



UNIVERSITÄTS-  
BIBLIOTHEK  
PADERBORN

## Universitätsbibliothek Paderborn

### **Acta Ecclesiae Mediolanensis**

Acta Synodalia Dioecesana Ecclesiae Mediolanensis, Pars Secunda

**Borromeo, Carlo**

**Brixiae, 1603**

Tabella Aliquot Erratorum & mulctarum Clericalium.

**urn:nbn:de:hbz:466:1-11399**

TABELLA

Aliquot Erratorum & multarum Clericalium.

Primum unicuique Canonico, dignitate item prædico, Parocho, animarumve Curatori, & alii cuiusvis ordinis Clerico, quicumque ille sit, qui in his infra ordine notatis capitibus aliquid culpæ commiserit, aut aliquo modo errarit, peccaritve, certas multas hac tabella generatim speciatimve exaratas, atque ipso facto subeundas, constituimus ac sancimus.

Quas multas in vrbe præfecti regionarii per nos delecti, in Diocesi Vicarij nostri foranei, in sua quique regione commissa statim exequantur.

Si quis facti aut errati sui executioni prætextu causamve afferat, quò minus multam subierit, is tamen primò multam loco infra constituto deponat; deinde facti sui causam excusationemque Præfecto, Vicariove exponat.

Hic postea ad nos, quidquid ab illo vel cause, vel rationis, excusationisve afferetur, sedulo referat: tum quod nos de multa decreuerimus, planè exequatür. Si verò ille commissam multam bidui spatio sponte sua non soluerit, aut deposuerit; Præfecti, Vicarijve sit, quidquid errati, aut culpæ, aut negligentia in hoc genere admissum ab eo est, ad nos, Vicariumve nostrum generalem per literas deferre: tum iubere, illum qui errarit, ad certam constitutam diem ipsum Vicarium conuenire: cuius iudicio arbitrio, is vel grauiorem etiam multam pœnamve pro ratione errati subeat, vel cognita vera causa, absoluat.

Multa omnis dupla ijs singulis sit, qui semel de errato moniti, & correcti, aut multati, in eodem iterum offenderint, peccaritve.

Ne sine nostro, aut Vicarij nostri generalis consensu, multam commissam, eiusve partem remitti cõdonariue liceat. Nec verò in Diocesi, nisi à Visitatore ac promotore nostro.

Si certa aliquot capitibus multa speciatim nominatimque; Decreta sancitave non est; ea sanè multa sit, quam Præfectus, Vicariusve foraneus statuerit.

Ne minor sit tñ quadrante aurei nummi: nec verò maior itidem nummo aureo.

Regionatim igitur tota vrbe & Diocesi circa multatitia constituentur; in qua scilicet multa omnis pro erratis tabella hac sigillatim per capita notatis Ecclesiastico cuiquam homini irrogata deponatur, atque asseruetur; vt arbitratu nostro, prout opus esse viderimus, vniuscuiusque illius regionis tum vrbanæ tum Diocesanae sacerdotibus clericisve egentibus, aut ecclesijs facultatum tenuitate laborantibus, in vsum eleemosinamve conferatur; aut in Ecclesiasticam suppellectilem clero illi regionario vsui communi futuram erogetur.

Porro ea arca per regiones vrbs in Sacristia Ecclesiæ, vbi cleri Præfectus regionarius, per Diocesim in Sacristiis Ecclesiarum, vbi vnusquisque Vicarius foraneus residet, tuto collocetur.

Proinde duabus clauibus opere fabrilis diuersis claudatur; quarum altera à Præfecto, Vicariove, aut ab eorum Cancellario, Ecclesiastico homine; altera à Parocho viciniori custodiatur.

Nec verò hac multarum constitutio ne derogatum sit, quominus cum singulis errantibus, pro errati, culpæ, ac negligentia ratione, & à Præfectis regionariis, & à Vicariis foraneis, & à visitatoribus pro auctoritate sibi concessa, & à Vicariis præterea nostris qui Mediolani sunt, aliis etiam pœnis multisve ex canonum iure, atque ex conciliaribus Synodalibusve sanctionibus, & illorum item arbitrio irrogandis, agi possit.

Errantes vt infra sigillatim notati, vel Sacerdotes, vel Clerici, vel alii, quicumque sint, multam pendant ex regulis supra sancitis.

Quicumque Sacerdos, Clericusve, Synod Dioc. cef. 4. cap. 25  
cum vel domicilium, vel beneficium Ecclesiasticum, vel alia ratione statum mutarit, si ex institutionum, quas vulgari sermone de statu cleri edidimus, præscripto, statim vt debet, non denunciarit.

Qui præstitarum functionum Ecclesiasticarum, confessionum, communionum, ac lectionum item testimonium

H h h scri-